

R. 2<sup>o</sup>. Demus veterum nonnullos ignorantiam detorsisse ad Christi humilitatem; id 1<sup>o</sup>. quoad apparentiam fecerunt, quatenus Christus dispensatione quadam ita se gessit, quasi varia ignoraret; ut quidem S. CYRILL. loc. cit. (p. 219. B.) ipse subdit et explicat. 2<sup>o</sup>. Id fecerunt figura, ut dicitur *concessionis*; velut dicent: dato, non concessso, Christum ignorasse diem illum; eum non ignoravit ut Deus, sed ut homo; ergo immerito infertis Ariani, eum non esse vere Deum. Unde non sequitur, eos vere hanc ignorantiam affirmasse in Christo homine. Sic LEPORITUS presbyter, apud PETAVIUM L. 11. c. 1, §. 14. in libello emendationis, qui Africanorum quorundam antistitum, et inter eos S. AUGUSTINI subscriptione probatus est, quod alias, ad objecta Arianorum respondens, ignorantiam velut concessionem, ut dictum, detorsisset ad Christi humanitatem; contraria professione id ipsum revocavit his verbis: *Ut autem et hinc nihil cuiquam in suspicione derelinquam, tunc dixi, imo ad objecta respondi, Dominum nostrum Jesum Christum secundum hominem ignorare; sed nunc non solum dicere non præsumo; verum etiam priorem anathematizo prolatam in hac parte sententiam.*

373. Obj. II. Alios Scripturæ textus. 1<sup>o</sup>. De Christo prædictitur Ps. 34. *Quæ ignorabam, interrogabant me.* Et Jerem. 11. in Christi persona ait Propheta: *Non cognovi, quia cogitaverunt super me consilia.* Sed hæc in Christo homine ignorantiam produnt. 2<sup>o</sup>. Luc. 22. Christo apparuit de cœlo angelus confortans eum. Sed si Christus novisset omnia, neque instantes ignorasset crucifixus, neque opus ipsi fuisse confortante angelo; ergo.

Ad 1<sup>um</sup>. R. N. min. Psalmistæ sensus est: *qua ignorabam*, hoc est, quæ non feci, sive quorum mihi non eram conscientius. Jeremiæ verba: *non cognovi*, idem sonant, quod dissimulavi; sive externe non manifestavi me cognoscere.

Ad 2<sup>um</sup>. R. 1<sup>o</sup>. Dicta illa fuisse ad veræ Christi humanitatis probationem; instinctu quippe naturali, natura nostra imminentia sibi atrocia mala, præsertim mortem, aversatur.

R. 2<sup>o</sup>. Cum S. EPIPHANIO hær. 69. n. 60. verba illa: *comfortans eum*, idem importare, ac laudans ejus fortitudinem, qua se morti promptus obtulerat dicens: *Non mea, sed tua voluntas fiat.* Quin ex ipsis illis Christi verbis conficitur, futurorum cruciatuum eum perfecte præscium fuisse.

376. Obj. III. Ex ratione: 1<sup>o</sup>. Scientia beata, seu visio beatifica secum fert sumnum gaudium, et omnem fugat tristitiam: sed Christus gravem tristitiam passus est in horto, cœpit pavere, tædere; ergo. 2<sup>o</sup>. Gloria corporis ob unionem hypostaticam æque fluit, eratque debita Christo homini, quam visio beatifica; ergo si illa impeditri potuit in Christo, cur non et altera?

Ad 1<sup>um</sup>. R. D. Secum fert sumnum gaudium, et fugat tristitiam connaturaliter; sicut calor ut octo pellit frigus C. essentialiter, ita ut ad finem redemptionis obtainendum, gaudium impeditri non possit, et tristitia de alio objecto, quod est distinctum ab objecto gaudii, non possit in eum finem permitti N. Paulo aliter respondent alii: Christum nempe retinuisse in superiori parte animæ gaudium, ac voluntatem, que ex visione Dei beatifica fluit, ne in partem inferiorem influeret, cohibuisse, ut sic redemptoris

nostræ opus perficeret; sicut impeditivit, ne propria alias visioni beatificæ gloria ex anima in corpus redundaret.

Ad 2<sup>um</sup>. R. *Disparitas* est; quia impeditri gloriam corporis, ut Christus pati posset, necessarium erat ad obtainendum redēptionis finem eo modo, quo decretus erat; decretum vero Dei erat, ut omnia passione et morte consummaret, ad Hebr. 2. Ad hunc vero finem non ita faciebat visionis beatificæ impeditio.

## ARTICULUS II.

AN PRÆTER SCIENTIAM BEATAM, ANIMA CHRISTI HABUERIT SCIENTIAM PER SE INFUSAM?  
ET QUOD HUJUS FUERIT OBJECTUM?

377. Duplex hic distinguitur scientia infusa. Altera est *per se* talis; estque illa, quæ a solo Deo postulat infundi, supra omnem subjecti, cui infunditur, exigentiam; estque intrinsece et quoad substantiam supernaturalis; et licet scientia beata, de qua Artic. præc., vel maxime talis sit; nomen tamen generis hæc, quanquam minus perfecta, sortitur. Altera est *per accidens* infusa, quæ per se quidem acquiri potest labore humano et industria, per species e phantasmatis, ope intellectus agentis, erutas; a Deo tamen infundi potest, absque labore et industria acquirentis; qualis fuit scientia, quam Deus infudit protoparentibus, qui a primo creationis momento excellentiore longe gradu infusas habuerunt scientias, et artes, quam homines reliqui diuturno labore sibi comparent.

378. Dico I. Fuit in Christo scientia per se infusa a primo conceptionis suæ momento. Est S. THOMÆ 3. p. q. 9. a. 3. ac q. 11. tum communis TT.

Prob. I. Ex S. SCRIPT. ad Hebr. 10. ubi Apostolus introducit Christum statim mundum ingredientem, se in sacrificium offerentem æterno Patri: sed non potuit Christus ingrediens mundum, se offerre æterno Patri, nisi in ejus intellectu præcesserit actus scientiæ, a quo talis oblatio regularetur; ergo. Subs. Sed hæc scientia non potuit esse illa beata; hæc enim non est proportionata regula actus liberi: qualis fuit prima illa oblatio, qua se Patri obtulit, quæ fuit meritoria, ut ex S. AUGUSTINO probat S. THOM. 3. p. q. 34. a. 3. et docent in hunc locum SS. CHRYSOSTOM. AMBROS., etc.; voluntas autem sanctificativa hominum debuit esse meritoria. Nec fuit scientia acquisita; quia hæc pendet a sensibus, organisque corporeis, quibus, defectu ætatis, non potuit eo tempore Christus uti; ergo debuit esse infusa.

Prob. II. RATIONE. 1<sup>o</sup>. Christus non solum fuit comprehensor, sed simul viator; ergo et decuit pariter, habere eundem ut viatorem scientiam propriam viatoris, seu infusam; est enim perfectio peculiaris, et a scientia beata independens: quoniam vero a primo instanti non minus viator fuit, quam comprehensor; ergo et jam tunc illa scientia ei conveniebat; tum etiam, si illam in primo ortu habuerint angeli et Adamus; cur non Christus, illis infinitè excellentior?

2<sup>o</sup>. Nulla perfectio deneganda est Christo homini, nisi vel opponatur visioni beatificæ, ut fides; vel officio Redemptoris, ut gloria corporis; ergo cum scientia hæc entitative supernaturalis, sit naturæ humanae peculiaris

perfectio, et neutri opponatur; non est abneganda Christo; sed potius, ut debita unioni hypostaticæ, ei ab initio concedenda. Scientiam vero per se infusam non adversari visioni beatificæ inde liquet; quod una eademque res cognosci possit diversa luce, et diverso genere cognitionis; sicut et nos objectum idem, quod videmus sensu externo, cognoscimus simul interno, et percipimus intellectu.

379. *Dico II.* Christus homo per scientiam per se infusam, quoad res ordinis supernaturalis, cognoscit tum omnia entia creata supernaturalia in se ipsis; tum Deum unum et trinum evidenter, non quidem intuitive, sed abstractive per species alienas.

*Prob. 1<sup>a</sup>. p.* Entia illa supernaturalia creata, sive quidquid pertinet ad ordinem gratiæ, spectant ad scientiam per se infusam; in se enim possunt clare et directe attingi ab aliqua scientia: non naturali; hæc enim ad illa representanda proportionata non est: neque etiam a beata scientia; quia hæc in se et directe representat solum Deum; cetera vero tantum indirecte, et in ipso, ergo a scientia per se infusa; alia enim non superest.

*Prob. 2<sup>a</sup>. p.* Quia, ex dictis modo, cognovit res supernaturales creatas distincte in se ipsis: atqui nequit eas ita distincte, et intuitive cognoscere, nisi in ipsis etiam indirecte et abstractive cognoscat tum divinitatem, tum Trinitatem, quibuscum eae res connexæ sunt. Sic cognoscit inter alia visionem beatificam; sed hæc essentialē respectum dicit ad SS. Trinitatem, utpote clara Dei unius et trini representatio.

Dixi tamen: *abstractive per species alienas*. Non enim cognoscit anima Christi mysterium Trinitatis abstractive per speciem propriam, representantem quidditatem ipsius: talis enim species foret necessario infinita; quia deberet in se ipsa exprimere quidditatem Dei, quæ est infinita. Nec est eadem ratio de cognitione beatifica clare exprimente essentialiam divinam infinitam; nam illam non exprimit in se ipsa, uti exprimeret talis species abstractiva; sed est pura tendentia vitalis ad objectum in se ipso existens.

380. *Dico III.* In ordine naturali, scientia per se infusa, cognoscit humanitas Christi secreta cordium, res futuras, absentes, præteritas, futura conditionata libera, ac possibilia eo modo, quo attingi a creato intellectu possunt.

*Ratio* est, quia imprimis non repugnat per scientiam supernaturalem cognosci etiam res ordinis naturalis; quamvis enim lumen ordinis inferioris terminari non possit ad res ordinis superioris, eo quod hæc perfectionem illius transcendunt; potest tamen lumen ordinis superioris attingere inferiora, cum virtus, quo superior, eo etiam universalior sit; ergo.

381. *Obj. I.* Carentia scientiæ per se infusæ non infert imperfectionem aliquam in Christo: quia non est carentia privativa, sive formæ subjecto debite; sed solum negativa; ergo in Christo homine abesse potest.

*R. N. Ant.* Sicut enim in Beatis, quamvis per visionem beatificam eadem videant objecta, quæ percipiunt sensibus, admittuntur tamen in illis cognitiones etiam sensitivæ ad cognoscendum connaturaliter per potentias naturales, quas, licet beati sint, non otiosas ac frustra possident, cum

non opponantur statui beatitudinis: ita Christus, eti objecta eadem cognoscat per scientiam; merito tamen requirit, etiam cognoscere illa connaturaliter, supernaturalibus et naturalibus potentii, et multo magis, quam Beati, ob rationes Concl.

382. *Inst. 1.* Christus homo longe perfectius cognoscit objecta, per scientiam beatam, quam ea cognoscere possit per scientiam infusam; ergo hæc est superflua.

*R. 1<sup>o</sup>. Idem tenet in Beatis.*

*R. 2<sup>o</sup>. D. Ant.* Cognoscit per scientiam beatam perfectius; sed uno modo tantum *C.* omni modo, etiam eo, quo cognoscit per scientiam infusam *N.* Cognoscit igitur objecta per scientiam beatam perfectius quidem; sed solum secundum quid, non simpliciter. Deinde modus cognoscendi respectu utriusque scientiæ non est idem; nam per scientiam beatam cognoscit objecta in Deo tantum causaliter; per infusam vero formaliter in se ipsis; igitur hic cognoscendi modus, utpote connaturalis, et peculiaris humilitatis perfectio, Christo negari non debet.

383. *Inst. 2.* Ob scientiam beatam non admittitur in Christo fides, sicut nec in Beatis; quia jam possidetur objectum perfectius; ergo ex eadem ratione admitti non debet scientia infusa.

*R. N. Causal. Antec.* Sed ideo non admittitur fides, quia essentialis illi obscuritas obstat statui beatifico; sed huic, ex dictis, scientia per se infusa non obstat. Deinde visio et scientia non habent idem objectum immediatum; unde etiam ex hac parte est diversitas.

384. *Inst. 3.* Nequeunt stare simul scientia attingens Deum absentem, et scientia representans Deum ut præsentem: atqui tales sunt scientia infusa, et beata; quarum prior Deum absentem, posterior ut præsentem representat; ergo.

*R. D. M.* Nequeunt simul stare scientia attingens Deum absentem positive, et scientia, etc. *C.* attingens Deum absentem negative, vel præcise *N.* Per scientiam infusam cognoscitur Deus absens tantum negative et præcise; quia scientia hæc non quidem attingit Deum *ut præsentem*; at non idcirco negat esse præsentem, vel affirmat absentem.

385. *Obj. II.* Si detur in Christo scientia per se infusa; ergo ea uti potuisse sine conversione ad phantasmata, vel non: neutrum videtur commode dici posse; ergo.

*R. N. min.* et dico cum Angelico Doctore 3. p. q. 41. a. 2. Ut Christus ea scientia uteretur, non necesse habuisse se converttere ad phantasmata. Ratio est; quod necessitas convertendi se ad phantasmata, oritur ex naturali dependentia et connexione, quam habent species intelligibles ad phantasmata, ex eo, quod sunt erutæ e phantasmatibus opera intellectus agentis: ob quam dependentiam nequit intellectus humanus suum speculari objectum, quin illud idem, medio phantasmate corporeo, speculetur phantasia; sed species infusæ nullam habent dependentiam et connexionem ad phantasmata; cum sint propriæ rerum representationes a solo Deo productæ, independenter a sensibus, et organis corporeis; ergo.

386. *Obj. III.* Non potest in visione beatifica cognosci Deus, nisi eo modo, quo per eam repräsentatur: atqui visio beatifica repräsentat Deum intuitive; ergo, *Conf.* Cognitio procedens a scientia per se infusa est comprehensiva visionis beatifica; ergo clarissime repräsentat totum, quod visio de Deo enuntiat.

*R. D. min.* Visio, prout illa est repräsentatio formalis, repräsentat intuitive Deum subjecto visionem eliciens, sive Beato soli, quem informat *C.* Prout est repräsentatio objectiva, ut respectu intellectus alterius, qui Deum cognoscit in visione, tanquam in objecto *N.* Sic scientia beata, vel visio, est objectum respectu scientiae per se infusa.

*Ad Conf. R.* Quamvis cognoscatur totum, quod repräsentatur per visionem; tamen non nisi abstractive attingitur, cum cognoscatur in specie alterius, in quo non continetur eminenter.

### ARTICULUS III.

#### AN, ET QUALEM SCIENTIAM NATURALEM HABUERIT CHRISTUS?

Scientia naturalis in genere illa dicitur, cuius et objectum nonnisi res naturaliter cognoscibiles complectitur, et modus, quo tendit in objectum, naturalis est; hæc, si est acquisita labore proprio, et propriorum experimento sensum, dicitur experimentalis, juxta num. 366. Si est per accidens infusa, naturalis specifice dici solet; rectius, *naturalis infusa* dicitur, ut magis ejus discrimen pateat a *naturali acquisita*, labore proprio, sive experimentali. De utraque scientia naturali, infusa, et experimentali, sive acquisita hic queritur.

387. *Dico I.* Habuit Christi humanitas, præter scientiam beatam, ac infusam per se, scientiam quoque naturalem eamque perfectissimam, per accidens infusam, ab instanti conceptionis suæ.

*Prob. RATIONE.* 1º. Christus ab instanti suæ conceptionis fuit quoad omnes proprietates naturæ suæ humanæ perfectissimus; ergo et habuit hanc scientiam. 2º. Hanc scientiam habuit Adam in ipso creationis suæ momento; ergo a fortiori Christus. *Nec dicas*, Adamo scientiam eam fuisse connaturaliter debitam, quia conditus in ætate perfecta, in qua sine hac non potuisset connaturaliter suum expiere officium; nam quod Adamus erat conditus in virili ætate, jam erat Christus quoad rationem in conceptu suo, juxta Jerem. 31. *Femina circumdabit virum.* 3º. Christus ab initio infusas habuit virtutes morales omnes, etiam ordinis naturalis; ergo etiam scientias: tum a paritate rationis; tum quia inter virtutes morales est prudentia, a qua reliqua virtutes in operando proxime regulantur; prudentia autem supponit notitiam speculativam principiorum et conclusionum. 4º. Christus ab initio uti potuit ratione non modo in actibus supernaturalibus, verum etiam in naturalibus; ergo ab initio scientiis omnibus, etiam naturalibus, instructus esse debuit. 5º. Vel hanc scientiam ergo acquisivit postea per disciplinam ab homine, ut Gnostici et Valentiniani olim fabulati sunt, vel per inventionem a rebus; primum dicit dependentiam ab homine; secundum a rebus; utrumque repugnat perfectioni Christi. 6º. Sequeretur secus, naturalem scientiam in genere in Christo fuisse imperfectam; cum non potuerit in tota vita sua Christus acquirere sibi species rerum omnium.

Ad hanc igitur scientiam naturalem infusam pertinent habitus primorum principiorum naturaliter cognoscibilium; sapientia, scientia; artes, et alia. Cumque infusa esset hæc scientia; licet per accidens, non depeidebat a phantasmatis; Christus haud necesse habuit, recurrere ad phantasmata; cum illa scientia uti vellet.

388. *Dico II.* Habuit tamen etiam Christi humanitas scientiam experientiam, nullo modo infusam, sed propriis actibus successive acquisitam: per quotidianam experientiam, acquirendo novas objectorum species. Est communis Theologorum.

*Prob.* Cum enim natura humana in Christo suis esset instructa sensibus; hi excitabantur a subjectis; a sensibus per species impressas phantasia; et ab his potentia intellectiva et cognitionis. Unde non tantum habuit eorum memoriam, quæ sic noverat; sed et multa vidit, audivit, sensit; quæ nullo antea sensu erat expertus. Unde ad Hebr. 5. v. 8. ait de Christo Apostolus: *Didicit ex his, quæ passus est, obedientiam; nimurum didicit experimentaliter.* Differt vero hæc scientia experimentalis ab infusa per accidens, quod hæc abstrahat a tempore et experientia sensuum; experimentalis vero terminetur ad objectum ut sensatum, sensatione præterita vel præsenti: cuius sensationis speciem Christus ante non habebat, sed acquirebat de novo.

389. *Obj. I. cont. Concl. I.* 1º. Jesus proficiebat scientia, ætate, Luc. 2.; ergo carebat scientia naturali infusa. 2º. Subsistencia creata est æquæ naturaliter conjuncta naturæ humanæ, quam scientia naturalis; sed illa excluditur per subsistenciam divinam; ergo et hæc tum per scientiam beatam, tum infusam per se. 3º. Christus scientia per se infusa jam cognoscebat omnia, quæ cognosci possunt scientia de se acquiribili et per accidens infusa; ergo hæc superfluit. 4º. Doctor Angelicus 3. p. q. 12. a. 2. docet, habitu scientiae naturalis auctum fuisse per abstractionem specierum, illudque probat allatis aliorum Patrum sententiis.

*Ad 1<sup>um</sup>.* R. ut num. 372. Proficiebat sapientia experimentali, acquirendo per experientiam novas objectorum species *C.* infusa subd. Quoad majorem ostensionem externam *C.* secus *N.* Sic et proficiebat gratia, non quoad habitum, sed actum.

*Ad 2<sup>um</sup>.* D. M. Est æquæ connaturalis naturæ humanæ, et simul æquæ compositibilis cum subsistencia aliena *N.* cum hac incompositibilis *C.* At scientia per accidens infusa nec repugnat scientiae beatæ, nec infusa per se: cum una eademque res cognosci possit multiplici luce et genere cognitionis; et quidem magis connaturaliter per scientiam naturalem cognoscuntur res ordinis naturalis; ergo et disparitas est.

*Ad 3<sup>um</sup>.* R. D. Scientia per se infusa cognoscebat omnia cognoscibilia, et omni etiam modo, quo cognosci possunt *N.* non omni tamen modo *C.* Ad perfectionem autem intellectus Christi spectat, non solum cognoscere omnia; sed etiam omni eo modo, quo sunt cognoscibilia; ergo et hoc naturali, ne alias scientia naturalis in Christo, secus ac in Adamo, defecisset, juxta prob. 6. Conclus.

*Ad 4<sup>um</sup>.* *explico* et *D.* Auctum fuisse habitum scientiae naturalis infusæ *N.* experimentalis *C.* Nam de priori contrarium tenet q. 20. de Veritate a. 2.

et in 3<sup>um</sup>. d. 13. a. 3. q. 3. cum S. BONAVENTURA, SCOTO, DURANDO, et aliis. Experimentalis vero, cum sit habitus pluribus experimentis, seu actibus circa singularia, sensibus percepta; augeri potuit: sicut et Christus secundum hanc proficer sapientia.

390. Obj. II. cont. Concl. II. 1º. Christus ab initio habuit infusas virtutes morales omnes; ut ipsi diximus Concl. 1<sup>a</sup>; ergo et omnes scientias ita infusas habuit, ut nullam postea acquisierit experientia. 2º. A primo instanti erat plenus gratiae et veritatis; ergo nullam habuit scientiam acquisitam. 3º. Si potuisset acquirere scientiam experimentalis, intellectus Christi errare potuisset; error enim intellectus oritur ex errore sensus externi et interni; at in Christo poterat esse error sensuum; sic enim a longe poterat res apparere minor, quam revera esset.

Ad 1<sup>um</sup>. R. N. Cons. Licet enim exinde inferatur, Christum pariter habuisse scientiam naturalem infusam; non tamen idcirco scientia experimentalis excluditur: scire enim rem experimentaliter, est specialis cognoscendi modus, homini proportionatus ac connaturalis, ac essentialiter connexus experientiae successu temporis habendae; unde Christus caruisset modo cognoscendi hominis proprio, si nullam scientiam acquirere potuisset; quale nihil ex antecedente sequitur.

Ad 2<sup>um</sup>. R. D. Ant. Veritatis illius, quam infundi exigebat unio hypostatica C. talis est utraque infusa, per se, et per accidens. Quae connaturalis exigebat acquiri N. Talis est experimentalis; propter utramque enim scientiam infusam non debet Christus carere modo cognoscendi alio, hominis sensibus instructi proprio.

Ad 3<sup>um</sup>. R. N. seq. et prob. min. Tum quia virtute divina Christus poterat ita suos confortare sensus, ut non aequi fallerentur, ac nostri: tum quia per excellentissimam intellectus sapientiam, ac scientiam tam beatam, quam infusam facile corrigere poterat sensum; si quando errare continget, et si quam errandi occasionem dare vellent phantasmata.

## SECTIO II.

### DE HUMANÆ IN CHRISTO VOLUNTATIS PERFECTIONE.

Ut certum fidei dogma, ex dictis Dissert. II. definitum contra Monothelitas et Eutychianos, supponimus hic duas in Christo voluntates, divinam et humanam. Solum hic de voluntatis humanæ perfectione sermo erit. Quam maxime extollunt, ceu duo ornamenta nobilissima, *impeccabilitas*, et *libertas*, de quibus proinde securoris Articulis agendum est.

### ARTICULUS I.

AN CHRISTI HUMANITAS OBSTRITA UNQUAM PECCATO FUERIT, AUT ESSE POTUERIT?  
ET CUR NON? TUM, AN IN EO LOCUM HABUERIT FOMES PECCATI?

391. Ex antiquioribus haereticis fuisse, qui ita sentirent, BELLARMINUS notat, et colligi videtur ex Concilio Ephesino Act. 10. Ex recentioribus nosteroribus Christianas aures blasphema voce *Calvinus* offendit in cap. 27. Matth. scribens: desperationis verba Christum edidisse in cruce. Tum L. 2. Instit. c. 16. §. 12. Christum, quando descendit ad inferos, de sua dubitasse salutem; quod impium est dicere, licet, ut postea conatur emollire, motus illi anteverterint rationem. Dura etiam Durandi vox est in piis Catholicorum auribus, dum in 3<sup>um</sup>. d. 42. q. 2. non repugnare dicit, Deum peccare per assumptam naturam.

392. Dico I. Christus, Sanctus Sanctorum, nulli unquam peccato obstrictus fuit. Est de fide.

Prob. I. Ex DIVINIS SCRIPTURIS, omnem peccati umbram in Christo excludentibus. Isaias 53. 9. prædicterat de Christo: *Qui iniquitatem non fecit. Daniel c. 9. Sanctum Sanctorum prenuntiavit. Apostolus testatur, 2. Cor. 13. 21. Qui non noverat peccatum. Ad Hebr. 7. 26. Pontifex sanctus, innocens, impollutus, segregatus a peccatoribus. Ibid. 4. 15. Tentatus per omnia pro similitudine absque peccato. Porro peccatum originale removet a Christo angelus, Lue 1. v. 35. Spiritus sanctus superveniet in te, et virtus Altissimi obumbrabit tibi; ideoque, quod nasceret ex te sanctum, vocabitur Filius Dei. De actuali vero, imo peccato quolibet, expostulabat Christus ipse cum Iudeis, Joan. 8. 46. Quis ex vobis arguet me de peccato?*

393. Prob. II. Auctoritate ECCLESIE et PATRUM. Concilium Ephesinum Anathem. 10. S. CYRILLI Alex. approbans ita definit (Labb. t. 3. p. 409. C.): *Si quis Christum pro seipso quoque, et non potius pro nobis solis sacrificium obtulisse affirmaverit (neque enim is oblatione opus habebat, qui nullum peccatum commiserat), anathema sit. Concordia etiam est Patrum traditio et sensus Inter hos S. DIONYSIUS Alexandrin. epist. contra PAULUM Samosatenum (Labb. t. 1. p. 853. C.): Nisi, inquit, Christus idem esset Deus Verbum, non poterat a peccato immunis esse. Nullus enim peccato est expers, nisi solus Christus; sicut et Pater Christi et Spiritus sanctus. S. ATHANAS. orat. 1<sup>a</sup>, cont. Arian. n. 51. agens de mutabilitate hominum secundum iustitiam et peccatum: Primo, inquit, homine mutato, et morte per peccatum in mundum intrgressa; necesse omnino fuit, secundum Adam immutabilem esse, quo, si denovo serpens eum invaderet, impostura illius vim nullam et efficaciam haberet. S. AMBROS. Lib. de Incarnat. Domin. Sacram. c. 7. n. 65. Quomodo lubricum poterat timere peccati, qui peccatum remissurus adveniat? Similibus sententiis pleni sunt Patrum codices. S. AUG. L. de Prædest. Sanctorum. c. 15. n. 30. L. de Nat. et Grat. c. 36., S. CYRILL. Alexandrin. Lib. 41. in Joan. (opp. t. 4. p. 983. D.), S. LEO epist. 28. ad Flavianum. cap. 2., etc.*